



Georg Jakob Decker

Ernsthaftes und vertrauliches Bauren-Gespräch ...

5 : ... gehalten im Schulzen-Gerichte zu D.

[Deutschland]: [Verlag nicht ermittelbar], 1758

<https://purl.uni-rostock.de/rosdok/ppn1787100456>

Band (Druck) Freier  Zugang 

1-
uch..
7.

1/8




Universitäts
Bibliothek
Rostock


[https://purl.uni-rostock.de
/rosdok/ppn1787100456/phys_0001](https://purl.uni-rostock.de/rosdok/ppn1787100456/phys_0001)

DFG

bf-7795/48




Fünftes
E r n s t h a f t e s
und
vertrauliches
Bauren-Gespräch
gehalten
im
Schulzen - Gerichte
zu D.



1 7 5 8.

Handwritten text, likely a library stamp or title, appearing mirrored or bleed-through from the reverse side of the page. The text is faint and mostly illegible due to the age and condition of the paper.



Erster Austritt.

Kobes Range und Jost Elsebier.

Kobes Range. (spricht zu sich selbst:)
Det is vertwiefelt! man kan sick doch vör
den Glinck nich genug woahren. Up de
lezt sall et doch woll nich flock gohn, wen-
ner nich noch mehr äwer em herkoamen.
Wenn der man = =

Jost Elsebier. Goden Dag, Kobes Range!
In alle Welt, wat gnüddelst du so in
den Boart! Geit et ju nich nah den Kopp?

Kobes Range. Groten Dank, Elsebier!
och! et is so wat met. Den Naber Glinck
het det Unglücke allerweens. Ick weet
nich, of he de Lude van de Bome schüd-
delt, oders wo he det anfänckt, det se aller-
weens sitten. Wennt man ant Enge good
geit, so will ick et met lawen.

Jost Elsebier. Och! det het jo woll keene Noth.
De Mume Liese het so völe Peereknachte un
Ossenjungens, det se Glinckens Goortens vör
een Morgenbrod glat upfreten könden.

Kobes Range. Det is woll woahr, se hebben
ock schon alles weggefreten: un nu da nich
E 2 veel

völ mehr tum Besten is, so trecken se den Kopp torügge, un wellen up Flinkens Lude nich recht up.

Jost Elsbier. I nu, darum nich dot! wenn dernah nich genug awer Flinken her sin, so willen wi noch mehr upbeeden. Vedder Schlau, min Heer, het da noch eenen ollen Bekannten im North Mähr wohnen. Ji kennen jo den Arnd Glaut woll, den wellen wie de Fettefeddern dörch det Muul trecken, so sall he ock woll med anbieten.

Kobes Range. Och! wenn ji det können; so sall Maber Flink eens recht gebrüdet weren.

Jost Elsbier. Jo worüm nich, da willen wi woll to kohnen. He is jo man Berwalder up den Hoave: un wi hebben ehliche olle Knechte by de Hand, de da länger uppe wesen sien, as he, de hebben da det groote Wort, un wat de seggen, det mot geschien.

Kobes Range. Bestu awers of se uns byston wullen? Se hören nich in unse Kaspel, sondern se gohn med Flinkens Lude in ene Kerke.

Jost Elsbier. Och! wer schärt sich da watümme? wi willen se wat förkafeln.

Zwenter Austritt.

Vedder Schlau und Arnd Glaut.

Vedder Schlau. Ich weet et nich, worüm ji schlophen, wenn de Mohnapp up den Dische steit?

Arnd

Arend Glaur. Wn so?

Vedder Schlau. Froagen ji noch? hebben ji nich gesien, dat alle Nabers met sammt den Schulten aver Flinken her sinn, un sic in sine Goaren un Wiesen deelen wollen?

Arend Glaur. Jo, dat hebbe ick moll ehöret, awers wat schärt mi dat?

Vedder Schlau. Steit ju denn Flinkens Immetuhn, de da dichte an juen hergeit, nich an?

Arend Glaur. Jo de stünde mi woll an, awers wat kann dat helpen? He is nich miene.

Vedder Schlau. Dat is eben so veel! de upstund wat fricht, de het wat. Wenn ick in jue Städe were, ick leete Flinkens Hagendal umhauen, un töge allens wat he da het, met in mienen Tuhn.

Arend Glaur. Jo, dat geit so grade nich. Wenn awers Flink denn früge, wer mie dat verlöbet had? wat fall ick em denn antworten?

Vedder Schlau. Och! ji sinn ock gar to eegen. Segget man, dat were recht. De Schulte werd ju nich bieten.

Arend Glaur. Jo, so gienge et noch woll an. Wenn unse ollen Knechte man met to freuden sien.

Vedder Schlau. J! de wollen der woll nicks to seggen hebben. Semögen ock woll ens en Honigstücke, dat eenen nich suer geworden is. Segget man, ick wolle eenen miene Peereknechte un Ossenjungens to Hülpe schicken.

E 3

Dritter

Dritter Austritt.

Kobes Range, Nickel Zinckmar und
Jeremies.

Kobes Range. Na wu geit et, Nickel, heb-
ben ji et Flinkens Lüden dögent wedder
inneedränket, dat se ju vorleden so pisacken?
Awers worüm kleiest du di so hinger de
Ohren?

Nickel Zinckmar. Jo, ick hebbe goot kleien.
Flinkens Ossenjungens un Peerecknechte heb-
ben unse Volck bale half byn Kanthacken
ekregen.

Jeremies. I dat kan ick nich glöwen, wu
sall dat togahn?

Nickel Zinckmar. Dat is awers woahr!

Kobes Range. Wie hebben se denn dat
annefangen?

Nickel Zinckmar. As Flinkens Lüde uns
ut den grooten Goarn jeugen, do sieng et
all an düster to warren. Wie meenten, se
wöllen nu woll nah Bedde gahn, awers se
lööpen doch hinger uns an, un grabbelten
bale den veerten Deel van unse Lüde weg.

Kobes Range. Nu dat was doch man de
veerde Deel.

Jeremies. Ick merke woll, dü schlägst brav
för, so kanstu aflaten.

Nickel Zinckmar. Jo, worüm nich? lat
et mi man erst ut vertellen. Et bliewet doch
unner uns.

Kobes Range. Nu, wat is denn?

Nickel

Nickel Zinckmar. Zi weeten jo noch, det
sick balle een Beerdel van unse Lude in det
groote Goaren-Hus verkropen hadde.

Jeremies. Jo det segtest du vorleden.

Nickel Zinckmar. Naber Glinck het Fier
annebodd, un het unse Lude, de int Goaren-
hus wören, de Ogen so deger fulleschmocket,
det se Roken un Tranen blarreden.

Jeremies. Det wollen se wol nich lange ut-
hollen.

Nickel Zinckmar. Ne! se wären ock keene
Narren. Se dachten, dat se de Ogen
noch länger brucken mösten.

Kobes Range. Behrten se sick denn nich,
et woaren jo doch genug by enanner?

Nickel Zinckmar. Och ne! man kan sik nich vel
wehren, wenn eener de Ogen vull Roock het.

Jeremies. Wat mackten se denn?

Nickel Zinckmar. Se mackten de Dören
up, un schmeeten eere Prügels un For-
kens ut den Fusten.

Kobes Range. Do kunden se sick awers
nich mehr wehren.

Nickel Zinckmar. Det wulden se ock nich. Se
wären damet tofreden, det Glinckens Lude
se alle int Hunnelock brengen sölden.

Jeremies. Ne, det is to dull, so veel Lude!
det hebbe ick min Lewedage nich ehöret.

Nickel Zinckmar. Stille, stille, det et de Til-
lacksche nich hört! Nickel, du kanst ehr wol
seggen, det et man een Paar wahnschapne
Offenjungens wären, de Glinckens Lude byt
Schlafittgen gekregen hebben.

Vierter Auftritt.

Naber Gürgen un Naber Glinck.

Naber Gürge. Wet ji wat, Naber Glinck?
unse Casper het mie uppesegt, he will sich
up de Hüffelin gewen.

Naber Glinck. Wer sall denn nu jue Peere-
knechte un Ossenjungens torechte wiesen?

Naber Gürge. Det wet ick balle nich. Met
mienen eenen Grootknecht will et nich woll
angohn. Denn de annern Knechte de ick ut
Badder Wilskens un ut Bedder Corts
Have to Hülpe geropen hebbe, de mögen sich
et nich so recht ankehren. Det plegt so en
flen Werk to syn, wenn so eener wat segt.

Naber Glinck. Det is woll woahr, Ji doen
beter, det ji eenen annern söcken.

Naber Gürge. Jo det dencke ick ock. Käh-
nen ji mi woll nich eenen düchtigen leehen?
Ji hebben der jo mehr.

Naber Glinck. Ick hebbe nich to veel. Doch
wiel des det ji et sind, so will ick ju woll eenen
lehnen de Hoare up de Tānen hāt.

Naber Gürge. Wer sall det sien?

Naber Glinck. Ick meene minen Schwaer
Peiter Fix, de sall sich da all goog to
arden.

Naber Gürge. Jo det glöwe ick, wenn
ji den missen willen. Det ganze Keerckspāl
weet et, det he sich all ofte met annern her-
ümtrüdelst het. He het da Forcht inn.

Sünf.

Fünfter Austritt.

Vetter Schlau und Ahrend Glaut.

Ahrend Glaut. Jo, Vedder Schlau, ji hebbet uns alle got angefohret.

Vedder Schlau. Woarium? wat fehlt ju denn?

Ahrend Glaut. Do hebbe ich miene Offensjungens un halfwassene Bengels hennes schickt un Glinckens Thun umhuen laten.

Vedder Schlau. Nu dat is got.

Ahrend Glaut. Awer Naber Glink het uns eenen van sienen Megers met veel Offensjungens un Peerknechte up den Hals eschickt.

Vedder Schlau. Wat will dat seagen?

Ahrend Glaut. Dat segt all veel. Se jachten uns ut unsen egenen Zimmetune herut.

Vedder Schlau. Behret ju hüpsch.

Ahrend Glaut. Ji segten jo, ji wöllen uns iue Offensjungens to Hülpe schicken.

Vedder Schlau. O ja! dat sall geschiehn.

Ahrend Glaut. So schickt ock dat Geld vör een paar Kannen Beer met, miene Knechte sien dorstig.

Vedder Schlau. Dat sall geschiehn.

Ahrend Glaut. Ji segget allebot dat sall geschiehn, un südder ward doch nischt van.

Vedder Schlau. Hebe ji denn nicks vom Honig upenamen, dat ji in Glinckens Zimmetune funnen.

E 5

Ahrend

Ahrend Glaut. Nee, dat Betken! do kâhen miene Knechte nich wiet met recken. Schmâret mi man dat Mul nich lange. Et brennt mi up de Nâgel.

Vedder Schlau. Kehret ju an nischet.

Ahrend Glaut. Dat is allgoot: avers Glinfens Lûde hebben uns bale glat ut unsen egenen Immedume herutejaget un ut Vedder Michels Goaren roden se ock ale Rôben un Kartoffeln ut.

Vedder Schlau. Nu, nu, dat sall sîck woll finnen.

Sechster Austritt.

Kobes Range und Max Rizebold.

Kobes Range. Na wu geit et, Rizebold? hest du brav wat gefatet in Glinfens un Gûrgens Goarens?

Max Rizebold. Dat is so wat. Ich wad mi mehr vermoden.

Kobes Range. Hest du denn Wilfens Goaren ock bras dôrchstecken laten.

Max Rizebold. Dat kanst du sachte denken. Unse Peereknechte un Offensjungens hebben em ut sienen Have glat herut gedreven, un de meisten Kracken, de wi doriinne sungen, de hebben wi bochsahm gejaet.

Kobes

Kobes Ränge. Dat is Recht.

Mar Rizebold. In Gürgens Goarn un Have mackten wi et nicht beeter. Wi hebben da alle Brunkohlstrücke ummegerodet; denn wi meenten, dat da noch eene Rusche Aepfel oders Beeren inane vorhutt ware. Avers da was nischts loos.

Kobes Ränge. Hebben ji denn ut de Aepfel, Beeren, Plummern und Rôben veel Geld eldset.

Mar Rizebold. Et brenget so veel nich, dat meeste hebben unse Lûde selver verahret.

Kobes Ränge. Bu veel brenget denn de Tillacksche ehr half Deel?

Mar Rizebold. Dat steit in de Râkesninge.

Kobes Ränge. Hest du denn ock alles ordentlich anneschreven?

Mar Rizebold. Dat versteit sich. Avers wat mie un unse annere Peereknachte geschenckt is, da kriem ji nischts af.

Kobes Ränge. Nu, dat sall da so naue nich umme tokomen. Wat du in Kroege noch schüllig bist, dat kanstu mant vorasnehmen. Et is even nich nödig, dat man de Tillacksche alles up de Râse binnt.

Mar Rizebold. Ne vörwoahr! de dat Erüge hed, de segnet sich ärst.

Kobes

Robes Ränge. Hebben ji denn ock in Glinfens Goarn de Tillacksche eeren Noamen aneschreiben.

Max Rizebold Ja woll! an alle Portenständers.

Robes Ränge. Na so geit et an. Awers wat wellen ji denn met Gürgens siene Peere-knechte un Offenjungens wieders macken?

Max Rizebold. Wi hebben se da in eenen Winkel gewieset un hebben versproacken, dat wi se da met Freedden laten willen, wenn se man Wiffens un Cords siene Lude, de se by sick hebben, nah Hus gahn leeten.

Robes Ränge. Will ji denn dat hollen?

Max Rizebold. Och du weest et jo woll, wi seggen denn un wenn so een Wort un leben noch een Jahr darnah.

Robes Ränge. Na! ick schnüffe all wat du seggen wilst. Da fallt woll angahn.

Siebender Auftritt.

Peiter Six und Max Rizebold.

Peiter Six. Wat maacken ji vör Uptöge, Rizebold? meenen ji dat ji lütke Balger vor ju hebben? Ji hebben versproacken stille to sitten, un keen vörder Unheel in Gürgens Goarn to maacken: un nu lahten ji jue Lude darinne husen, dat eene Schanne is.

Max

Max Rizebold. I nu! det doen miene
Peereknachte un Ossenjungens, da kann ick
nich vdr.

Peiter Six. Wosör sin ji denn?

Max Rizebold. Det kan ju glich völgellen.
Latet man Wilckens un Cords Lude, de ji
noch bi ju hebben, erst naher Hues gohn,
as et mi Casper tosegt het. Se metten
mi awerst alle eere Barrels, Rungen un
Mesgrapen erst hergewen.

Peiter Six. Det sollen se wol laten. Dat het
ju niemand tosegt, det se nicks in de Fusten
behollen sollen. Ji wäret mi klog. Meent
ji wol, det ji denn so mit uns spelen fallt,
as de Katte med de Mus.

Max Rizebold. Det kann nich geändert
wären.

Peiter Six. Det will wi ju woll anners wiesen.

Max Rizebold. Dot wat ji wilt.

Achter Austritt.

Max Rizebold un Springfeld.

Max Rizebold. Wie geit et dn, du armet
Bloot? hestu diene Knechte un Jungens balt
wedder to Hope gejaget?

Springfeld. Och! det süet da dwatsch ut.
De eene het sig hier, de annere dort hen ver-
froapen. Wo sall ick se so balle wedder to
Hope frien?

Max



Max Rizebold. Jo, macß man so good as du kannst, un schicke alle wat du upstacken kanst, to mie her. Peiter Fij het sich verluhden lahten, det he sich van uns nich brüden laten wulle.

Springfeld. I wat segst du? röget he sich all?

Max Rizebold. Jå woll! Eklicke van unse Ossenjungens hadden se da in Pannestall betrappelt, de hebben se da vormegen inne exert. Peiter Fij leet da so völe Steene hennin schmieten, det se de Köppe nich genug wahren fönen.

Springfeld. Det kann dulle genug utfallen. Peiter Fij het Knepe in Koppe. He sal uns de Rücken woll uptrecken, de he van Glincken gelehrt het.

Max Rizebold. Det lat man dohn. Unser sind der doch mehr. Schicke man balle her, wat du to Hope brengen kanst.

Springfeld. Det sall geschehn: awers de meesten de ick wedder to Hope hebbe, de hebben enen Prögel un ene Forcke. Eklicke hebben ock enen Schoh, un enen Sterwel verlohren.

Max Rizebold. Det schoad nich. Wi wellen se hinger anstellen.

Neun:

Neunter Auftritt.

Vedder Schlau un Max Rizebold.

Vedder Schlau. Du süst jo so brum ut as
eene Brammerbeere, Rizebold, wat is di?

Max Rizebold. Bloot wat is et koolt!
Beide Nefeldcker syn mi toefroaren.

Vedder Schlau. Det glöwe ick woll. Et
is nich man so, as wenn man byn Heerd
ligd un Aeppel broadt.

Max Rizebold. Ne, förwoahr nich! de
Föte küllen mi, as wenn ick det Potens-
gramm hädde.

Vedder Schlau. Na hebben ji denn Veiter
Siren to Räsun ebracht?

Max Rizebold. Det versteit sief. Jek ging
met alle unse Peerecknechte un Offen-Jun-
gens up em loß, un alles wat uns inn
Weg kam, dat brennden wi af.

Vedder Schlau. Unvers do het he sig woll
recht verschrocken.

Max Rizebold. Det glöwe ick ock: he let
et sief man nich ut. He stelde sig an, as
wenn he sief nich för uns förchtete.

Vedder



Vedder Schlau. I! wat segst du?

Max Rizebold. Ick let alle Schepkerfaren, de ick man to Hope brengen kunde, vör uns her trecken, un da gingen wi up em los.

Vedder Schlau. Kregen Zi em denn nich?


Max Rizebold. I wat! he was bi Nacht un Nebel döchgewitscht.


Vedder Schlau. Löpen ji denn nich hinger em her.

Max Rizebold. Do war keene Tied darto. Unse Offen-Jungen weeren balle dot gefroaren, un ekliche hadden sone Kalthare up de Bost, det se kücheden as de ollen Schnittschaape.

Vedder Schlau. Nu so wärmt ju man erst. Et sall wol wedder gohn. Ick werre mine beste Offen-Jungens un Peerecknechte wedder Peiter Firen to Hülpe schicken, un mien Vedder sall Grootknecht sien.







the scale towards document

73

tritt.

rend Glaur.

der Schlau, ji
öhret.

n? wat fehlt ju

ich miene Offen=
Bengels hennes
n umhuen laten.

is got.

er Glink het uns
met veel Offen=
den Hals eschiekt.

ill dat seagen?
ill veel. Se iah=
Immetune herut.
ju hüpsch.

o, ji wöllen uns
pe schieken.

at fall geschiehn.
ock dat Geld vör
et, miene Knechte

I geschiehn.

Uebot dat fall gea
doch nisch van.

denn nicks vom
ji in Glinkens

Ahrend